



實政錄卷三目錄

民務 教民之道

查理鄉甲 附鄉甲勸語

興復社學

修舉學政

禁約風俗

惡風十戒

有司雜禁

附官問二十三條

實政錄

卷三目錄



實政錄卷三目錄

實政錄卷三

寧陵呂

坤叔簡甫著

民務

教民之道

查理鄉甲

勸善懲惡莫如鄉約緝奸弭盜莫如保甲此二帝三王之遺制雖聖人復起軌眾齊物舍是無術矣但實行則事理民安虛行則事煩民擾不行則事廢民恣成法具在而鼓舞提撕則在吾心職業者加之意耳嗟夫奈何

一科目取士爵祿榮人授之官職矢志潔身者幾人實心實政錄

卷三

民務

一

任事者幾人今一州一縣設約正副不減三二百人欲其人人有士君子之行分毫無私箇箇奉掌印官之法怨讎不顧是庶民賢於縉紳矣有是理乎而今正副講史俱是光棍地方任其舉報善良而謹畏者避跡潛藏浮夸而縱恣者投足爭進所謂百家情願保結有司親與過堂者曾一行之否乎不過手本開名該房造冊而已如此苟簡教化安行

一約正副雖經眾保難得其人掌印官或得之查簿之中或得之公正報舉或得之本約告發或得之自己體訪

不時更換其更換者亦從闔約保舉但武斷鄉曲勢橫州里之人鄉約不敢不保者間一有之不可不加察也一鄉甲約一書有本約全不理會者有理會而不知者槩州縣約正副講史選定之日掌印官先到明倫堂設聖諭牌拜畢擇通學年長老成善爲講說者三四十人先半月前各給鄉甲約一冊令之覽誦至日次第令各生講讀善講者分外加賞不善講者再令習學如此三四日三四十人俱已精熟然後發之各約分定每生教習幾約一約只住二日將約中事體盡令正副講史甲長人人明白箇箇通曉然後再更一約如此教習兩月之後掌印官分日貼示某約正副講史限某日某約正副講史限某日辰時到縣大率一日不過十約仍在明倫堂上縣官考驗生熟果能精通此約者教習生員與正副講史同賞不能通曉者原教習生員紀過一次仍令再與講說務精通而後已約正副講史但有一箇識字通文之人能守規矩倡率鼓舞其約自行

一約中有善便肯紀錄至於行兇賭博慣刁巨猾一鄉畏懼者無人敢舉不知鄉約之設原爲惡人大惡之人百

無一二使大惡縱橫而紀小惡以塞責何貴於行鄉約哉掌印官先察公道確實之人必不作奸壞法者託爲耳目令之採訪大善大惡幾人詳知其事刻記於心至查簿之日果本約實登卽將四隣及正副講史各加重賞如果大惡不登卽喚本約正副講史甲長四隣審問某人某日爲某惡如何不紀正副講史曰甲長不報又問甲長甲長曰四隣不舉又問四隣如何不舉如果惡是實而四隣不舉者一同責治一體枷號四隣舉而甲長不報者甲長同罪甲長報而正副講史不書者四人同罪如此三行人人警惕約中畏法而不畏惡人則惡人亦讎法而不讎舉報矣夫我無可憚之嚴明責成之實意彼鄉約一會長民何苦與惡人結怨以貽終身之禍哉昏惰者試一思之

一約行一年之後掌印官單騎減騶或因公出之便卽赴某約觀其禮節問以事宜卽與勸說一番作其踴躍之氣振其厭怠之心使百姓知我所重在此而彼亦加之意耳若委佐領教官查點鄉約崇虛文以擾貧民費送迎而起科派近日有司往往爲此噫實行鄉約者豈作

此粉飾套子哉可嘆可嘆

一保甲與鄉約是一條鞭十甲甲長依然不動只多添了一箇甲正副其操練之法詳於城守

一法度嚴明卽不擇約正保正而約保正自不敢爲惡只一寬鬆全不照管而約保正借法以作奸雖有賢者亦不能自保胥化而爲惡矣故鼓舞振作之法彈壓操縱之權全在有司

一巡捕官無故下鄉多帶虎役搜尋事端濫費酒席雖云查點鄉夫其實得財便去大爲地方之害以後保甲之

實政錄

卷三 民務

四

法掌印官旣肯嚴行地方自然寧靜萬一賊盜生發巡捕官帶領人役火赴擒拏平居無事決不可容令出門一地方保伍朔望來縣投遞執結有司試一思之此何爲者地方苟不安寧何妨日報地方果無盜賊安用虛文徒令此輩指以紙張盤費打點科索甲中小民耳結狀卽行裁革再不許遞

一一保之中良善居其十九盜賊百無二三甲長盤詰出入覺察蹤跡正此二三之徒耳若不分奸良一槩騷擾良善何安其盤詰之法詳見襄垣約今不盡載

一五里之外聲問不通凡一莊須置銃三杆但有盜劫卽放砲以便救護其六里以外不來報不與聞者不可一槩株連濫坐不救之罪

一護送鞘損伺候燈火保副挨甲序撥不許偏累周而復始此外不許仍用地方保長名色責令鄉約甲夫秀牌迎送違者掌印官以昏庸論

一乞丐壯丁遊食僧道邪教傳頭燒煉方士流來水戶在於地方爲害惑民者甲長舉報保正卽時趕逐不服者與容留之人一併送官究治

實政錄

卷三 民務

五

附 鄉甲勸語

說與山西百姓鄉甲之行有十利而無一害一則些小事情本約和處記於和簿省得衙門告狀受怕耽驚打點使用吃打問罪坐倉討保破了家業悞了營生二則挨查外來生人細密嚴謹四方盜賊無處容身百姓們無雞犬之驚睡好自在覺三則使本排人丁及住房住院之都都有稽查盤問使他不得出外爲非免得他犯了重罪連累我有窩主之憂四則差糧赤歷一出本約本甲互相勸說催逼早完可省里長老人十排的工食

錢使喚錢腳兒錢告助錢散人事討糧食吃酒吃飯五
則一約之內人丁地土貧富增消差糧多少人所共知
只消本約誓神公定掌印官斟酌可以審戶則編均徭
派赤歷省得書手千奸百弊擦富陞貧詭地瞞糧貽害
槩縣六則一約之人朝暮相勸彼此相規大家曉些道
理守些法度都成好人說好話幹好事生爲有德之民
死爲無罪之鬼閻王見了也是敬重七則一約之人既
是年年相與自然情義浹洽有無相助患難相救疾病
相扶持有事相商量嫌隙相解釋異姓結爲骨肉仇讎
化爲腹心八則行好之民官府以情相體不忍輕加刑
罰父母赤子上下有恩九則積攢些糧食財帛到那災
荒之年官倉那救得許多你將這錢糧分了救你一家
性命免得餓死道傍逃走在外十則往年兇惡之人欺
你良善光棍之徒幫你癡愚各顧各人快手指賊打嚇
誣執平人你也百口難辯誰管你死活鄉約一行惡人
沒處存身善人得以自保縱有誣執之人大家連名辯
證凡我百姓務要十分力行千年共守是你百姓子子
孫孫之福只是約正不才受賄徇情大家稟官更換休

以我在而應虛文休以我去而成衰廢休以二小人賭氣兒壞了大家的規矩

興復社學

爲興復社學以端蒙養事照得王道莫急於教民而養正莫先於童子今學校之無政久矣官師不可復望惟是社學一事尙有可爲有司儻知加意世教其庶幾乎因述其要畧如左

一自教化陵夷之後舉世不知讀書爲何事二千餘年迷誤至今師弟相督父子相傳不過取科甲求富貴而已

實政錄

卷三 民務

七

今選社師務取年四十以上良心未喪志向頗端之士不拘已未入學者二十餘人掌印官羣之文廟餼以日食先教以講解小學孝經及字學反切一年之後如果見識近正音韻不差文理粗通講解亦是者掌印官下學考試擇其堪以教人查有社學挨次撥發

一社學四關立四處大集鎮一百家以上者立一處甲長各查本甲中子弟年八歲以上十六以下共若干人報於約正除能自備束脩外如果家道貧難約正開名報官官爲設處大段社師以每歲粟二十石爲厚供少亦

不減十二石多寡之數以學問與功效爲差

一子弟讀書大則名就功成小則識字明理世間第一好事有等昏愚父母有子不教讀書邪心野性竟成惡人做盜賊犯刑憲皆由於此幾曾見明理識字之人肯爲盜賊者乎掌印官曉諭百姓今後子弟可讀書之年卽送社學讀書縱使窮忙也須十月以後在學三月以後回家如此三年果其材無可望省令歸業

一學中以長幼爲先序就齒數除係相親自有稱呼外其餘少稱長者兄長呼少者名行則右行坐則下坐長者

實政錄

卷三 民務

八

立則立長者散則散一禁成羣戲耍二禁彼此相罵三禁毀人筆墨書籍四禁搬陵傾害五禁有恃陵人此處人五禁犯者比讀書加倍重責

一學者立身行檢爲重一戒說謊二戒口饒三戒村語淫言四戒愛人財物五戒講人長短六戒看人婦女七戒交結邪人八戒衣服華美九戒捏寫是非十戒性暴氣高犯者比讀書加倍重責

一童子每日早起向父母前一揖問曰今夜安否早飯午飯回家見父母揖問曰父母飲食多少晚上看父母臥

處待父母睡畢而後退父母怒罵跪而低頭不許勁聲
強辨父母勤勞卽來代作父母久立忙取坐物父母呼
人高聲代喚父母疾病煎嘗湯藥此雖人子末節少年
先須日習至於一家尊長俱要恭敬家中凡事忍默如
有違犯父兄卽告先生加倍重責

一行步要安詳穩重不許跳躍奔趨說話要從容高朗不
要含糊促迫作揖要舒徐深圓不可淺遽侍立要端莊
嚴靜不可跛跛起拜要身手相隨不可失節衣履要畱
心愛惜不可邈邈瞻視要靜正安閒不可流亂抄手要
實政錄

卷三 民務

九

著衣齊心不可怠惰在坐要端嚴持重不可箕

開岸躡

有違犯者罰跪再三犯者重責

一每講書就教童子向自家身上體貼這句話與你相干
不相干這章書你能學不能學仍將可法可戒故事說
與兩條令之省惕他日違犯卽以所講之書責之庶幾
有益身心

一每日遇童子倦怠懶散之時歌詩一章擇古今極淺極
切極痛快極感發極關係者集爲一書令之歌咏與之
講說責之體認古詩如陟岵蓼莪凱風

以上父母

常棣小宛

杖杜

以上兄弟

江漢出東門

以上男女

雞鳴雄雉

以上夫婦

燕燕妾

伐

木友

朋子

芄蘭

童民窮

相鼠

教禮

伐檀

訓義

采芩青蠅

戒蟻

蟀

瓠葉

示儉

采蘋

重祀

白駒

悅賢

至於漢魏

以來樂府

古詩近世

教民俗語

凡切於綱常倫理道義身心者日誦一章其

新聲豔語但有習學者訪知重責

一初入社學八歲以下者先讀三字經以習見聞百家姓

以便日用千字文亦有義理有司先將此書令善書人

寫姜字體刊布社學師弟令之習學蓋姜字雖喫力而

點畫分毫不苟作字之時能令此心不放此心不粗佻

達縱橫者厭之以爲欠蒼勁欠自然而不知有益於性

靈也

一教童子先學爽潔視無積垢筆無宿墨蘸墨只著水皮

乾筆先要水潤書須離身三寸休令拳揉手須日洗兩

番休汗書籍案上書休亂堆斜放書中句休亂點胡批

學堂日日掃除卓凳時時擦抹

一念書初要數字次要聯句次要一句緊一句眼矚定則

字不差心不走則書易入句漸緊則書易熟遍數多則

久不忘

一看書不可就講先令童子將註貼經貼過一番令之回講然後一一細說巧比再看復回不知再講庶幾有得一作文出極明淺易於發揮題目作不得題細講一遍仍作此題一題三作其思必盡其理自通勝於日易一題也

一記文須選前輩老程文極簡極淺極切極清者每體讀兩篇作文之日模倣讀過文法者出題庶易引觸

一讀書以勤爲先童子不分遠近俱令平明到學背書完讀新書喫飯後畧令出門鬆散一二刻然後看書作文

實政錄

卷三 民務

十一

寫做畢仍讀書午飯後再令出門鬆散一二刻仍讀書日落後分班對立出對一箇破題一箇卽與講改然後放學蓋少年脾弱飯後不可遽用心力恐食不消化也一有司政暇之時掣籤下某社學某社學至則驗其課程果童生文理通說書明寫字佳歌詩善者爲第一等除童生量給筆墨外其師賞大紙一百葉中等者平常相待仍行帖以示激勵下等社師怠惰廢業文理欠通管教不嚴者革去館穀將童生并於一等社學在鄉寫遠童生不便併學者另選社學

一社學不許率領童子迎送官府本院出巡每見數歲童子便加一冠乳臭方新須當嚴教而社師以供給無人遂成懶散有司如此苟且只應虛文粉飾觀視父母之教子弟豈爲上司哉以後社縣師生除有司出巡偶試外仍春秋二季將師生召集到縣管以常食給之草卷考試一番以行去畱以示振作州縣官仍將社學若干處社師某童生某某民間束脩歲若干官補束脩歲若干應動何項錢糧先造一冊送院仍將二考等第賞罰每季開花名手本報奪其士夫富家設館聘師所教子弟不許一槩泛考混開以褻體面違者提吏重究官另議

實政錄

卷三 民務

三

一近日社學不以童蒙爲重雖設有社學社田專聽無行衣巾生員乞請以爲餬口之資不拘童子有無不問會否教訓遂令居官舍而冒官黻掌印官如醉夢人全不照管凡社學廢而不修與夫有社學而擁虛器者有司以不職參罷

修舉學政

宋儒有言學校之政不修教化陵夷風俗頹敗世道之衰所從來久遠其在今日所謂有書而無學有士而無師人才不三代非士之罪也國家旣以訓迪責教官又以提調責守令乃學政不修而但責之士何以異於五穀不熟而但責之五穀哉本院昔令雲中曾有已試之法士初不樂久皆稱善今紀其畧以爲賢者望肯一加意似不難行也一士必類聚而後相觀相觀而後感發未有孤立而能成德者也士以百人豈無持重老成言動不苟者十人乎

實政錄

卷三 民務

十三

苟未盡得人卽思其次可也掌印官督責教官先立四齋兩齋之長以一學所推服者爲之而以隣近諸生編爲一會多不過二十少不過五七共若干會每會若干人以一會所推服者爲之掌印官定以會名如興詩立禮志道據德之類每會置一籤籤書典詩會會長某人會眾某人某人照會置籤共爲一節

養士非以充斥學宮將以建白朝著古人云修之家者不壞之天子之庭夫修也而猶懼其壞豈有壞之家而能修之天子之庭者乎明職弟子二篇余言之詳矣府

州縣官先置進德簿二扇以紀善惡將風憲約中進德十二條每條空三篇印發教官如某月某日某生爲某善行從本約與見知人期望稟舉到學教官審實卽指事紀於本目錄下如有大善掌印官特行獎賞不許教官以愛憎刁難

一 提調官置修業簿二扇以紀勤惰各以所業分題如看書作文及風憲約中修業十二事之類亦每事三葉以紀課程之勤惰

一 所貴樂羣以其敬業今之士習得無所謂言不及義好實政錄

卷三 民務

十四

行小慧者乎如此羣居同歸於惡不如獨立之爲愈也凡在會諸生俱屬長者督率不宜戲謔長者自宜端慎不宜比昵近來諸生聚談不短長他人則彼此嘲罵不聚會飯食則遊玩園亭手足惰慢心志放逸玩日愒月老大忽驚如此積習最宜痛改

一 博奕諸生之首戒勞心動氣悞事廢時至於一切妨功蕩志俱宜禁約違者會長舉惰

一 長者立少者起讓坐長者步少者下馬揖或趨而避之長者教誨唯唯聽從卽有辯說不可遽色疾言違者紀

過

一朋友之道古今只有八字德業相勸過失相規無此八字卽刎頸之交不過情緣昔文文山久繫燕臺其友恐其變節持祭文來哭如此風味諸生宜咀嚙之

一浮薄傲慢此四字士人之大病此病不除卽登高第做達官終爲有道不齒孔子曰君子不重則不威又曰慮以下人諸生衣冠務要朴雅言語務要簡直禮貌務要謙恭動作務要莊愼以此立身處人無所往而不可矣一聖諭六條且責之凡民矣士也而顧悖之如學校何得實政錄

卷三

民務

五

無爲凡民笑乎教官一一申飭有一於此紀名惡簿以示創懲

一學校之設不專爲諸生正欲使市井閭閻薰諸生之德而善良耳士有居一鄉而一鄉化其德者鄉約舉報到官文學雖劣有司申呈上司特加禮遇送扁旌門如果家貧凡有婚喪重行給助

一朝賀祭祀臣子致敬於君師典禮之重者諸生至日往往不到教官旣不究尋提調亦不查問是可忍也孰不可忍以後申明此禮不許怠忽其朔望作揖送迎上司

只可分班不宜常令奔走以妨學業

一天下之字文歸六書古今之道載焉今諸生於字學全
不理會任口傳訛反爲僧家所笑提調官將洪武正韻
海篇直音二書令教官習之以正諸生直音但查邊傍
正韻以考反切莫聽詩家雌黃語謂正韻未精此昭代
之制也臣子尊之

一會課提調官刻爲格板用綱連紙刷印每士給與一本
每本面上各書興詩會會長某會眾某某發與各生假
如每月二八六會每會前一日提調官出題三二道封

實政錄

卷三

民務

七

發該學各會分領至日下晡提調官多掣幾籤取課近
者卽回遠者次日回提調官封發教官教官各以紅黃
靛花三色批評次日送與州縣提調官得聞逐一閱如
遇冗忙印一本縣查訖四字如某會某生不曾作文果
係親疾已疾及一切萬不得已事情會長會眾代書緣
由免其補課若無故不作者卽拘本生到官加倍出題
考試果稱等第免責紀惰如有荒疎發學朴責紀惰如
是則教官各得盡職而小大賢愚各有進益矣

一諸生四書分以日程除作文看經外每日限書一葉朔

望謁廟稍遲候諸生小飯備粗紙六百葉共掣六籤各
限起止分章講書凡講不必文辭但用口頭語發揮精
到始佳諸生有願問難者再與發明其賞須分次第上
等多賞不妨下等僅與數葉以示愧除中等外仍將上
下等紀於勤惰簿中

一諸生有身家之事類遞學官教官轉牒令家人聽審不
許期望於縣堂明倫堂講事以犯臥碑大凡學校事情
不係重大法所難容者比庶民自有體面若三五相約
公然請囑不惟有司難容而士亦失守身之道矣若通

實政錄

卷三

民務

七

學公事公講不妨

一齋號堂廡諸生皆可讀書或朋友書房亦可會課乃紛
紛占住禪房苦惱僧眾稍不如意甚者呈官強恕而行
諸生宜自反之

一孝節兩事此人間首善風化美倡也乃閭閻貧賤監司
無聞門第人家官師具結然乎不然乎非謂淪落者皆
眞而推舉者皆僞其實門第者易著而貧賤者難達也
所貴公論可徵庶民可質鬼神乃師生以私意爲低昂
如天理民彝何昔余分守濟南所得民間節孝甚多皆

集鎮鄉民眾口一辭者而守令師生一無所聞百姓何由興起有司試一思之此豈漫不經心而聽人役使事乎

學宮俎豆非獨祀先賢正以勸後學也果善蓋一鄉眾所推服何須子孫自言果行不孚眾美惡相兼豈宜請託公舉今也傷心矣即使賢人君子昭昭在人子孫而不設席具幣未有入鄉賢者遂使朝廷公典爲賄賂之媒子孫但有分毫知識忍使祖父以非禮求血食哉世道至此而有司若罔聞知可嘆可嘆以後節孝鄉賢提

實政錄

卷三 民務

六

學道行府州縣府州縣責成師生及里老鄉民卽有通學保結必須鄉民千人以同舉然後爲公若濫舉及埋沒者訪知官師以受賄刁難重處子孫不許夤緣夤緣者雖賢不准入祠

一有司豈無所汲汲皇皇者而學校獨不加意有加意者不過會課改文供饌給賞而已砥德礪行引而出之迷途全不在念或委之無錢糧不知鼓舞諸生不在利誘况季考行香等銀隨其多寡用以鼓舞士人似亦足用不知此項何處用也

一教官固多君子然過於貪鄙以爲諸士憂不慎舉動以爲諸士羞提調官獨不聞乎聞而鈐束教誨是亦相成彼屬官也臧否在我何敢不服此之不行又從而掩護游揚之有司之官評可槩知矣

禁約風俗

爲禁奢侈以養財用事照得風俗儉奢係小民生死自萬歷十二年以來五穀不登萬民艱苦或逃移滿路流落他鄉或餓死在溝暴露屍體或父母痛哭殺食兒女或聚眾搶掠喪命監倉假使那豐年醉飽風流之餘積布積糧豈實政錄

卷三 民務

九

至凶年食糟糠土石之物凍死餓死便是富貴之家敦崇朴素散其餘積賑濟饑民爲子孫畱多少陰德在世間傳多少香名彼爭誇滿身錦繡互鬥驚眼樓臺鼓樂震心肥甘厭口不思一飽一煖之外安用許多生在足衣足食之家亦當惜福况老成安靜者君子之德夸張炫耀者兒童之識由此觀之節儉無非美俗奢華盡是邪心但愚頑之輩千說萬說不依浮詐之徒好吃好穿不改若不申明法度禁約森嚴誠恐踵習已成不肯遽變夫風俗紀綱本院之職也振揚風紀本院之事也如有不從則明罰勅法自

有朝廷之三尺安敢相寬汝其無悔

一織金妝花本王府仕宦人家品服以別貴賤今商賈工農之家一槩穿著已爲僭分又有混戴珠冠及金銀鬪髻四圍花通裏刻絲捺紗挑繡裏口領緣等服而倡優妝飾金珠滿頭至於牀門幃帳渾身衣服俱用金銷一套銷金工價可買一套衣裳一年之後不復新鮮折洗不能誠爲可惜又有衙棍市遊綾段手帕濫作裙褲雜色寬帶直與衣齊甚爲可恨今後庶民之家富者止許無補綾羅段絹下三則人戶梭布絹紬凡在省銷金匠

實政錄

卷三

民務

三

除汗巾銷金不禁外敢有於衫裙及書簡箸簽軸帳簾幃銷金及男女僭分穿著前衣者鄉約舉報到官男子罰穀五十石送邊仍與匠人裁縫俱重責枷號其倡婦穿錦繡戴金珠者樂工重責枷號衣飾賞給孤老

一訪得本省婦女戴金不戴銀有一簪金重一兩二錢者又纍絲嵌珠極其工巧疊輕拔細易於損傷以後下五則人戶不許戴金首飾上四則人戶應戴金簪者不許過一錢仍禁淫巧奇異改樣新興如違陞戶三則係罰陞者消乏永不許擦上戶坐重差仍罰穀賑貧銀匠訪

拏重責枷號

一二線金梁便有品級三鑲雲履原是朝靴俱非未仕者之服近日不係縉紳金梁亂戴而吏承門快鑲履亂穿甚屬僭踰今後但有仍前濫穿妄戴及男帽高過八寸女髻高過五寸及婦人髮髻或比照梁冠式樣或無喪亂戴白色及不係袍服女衣過膝三寸者俱違新題事例除夫男重責陞戶外工匠裁縫人等枷號革鋪係外來者遞解原籍小兒女輒用金線珠翠作帽爲髻者其家長俱重責枷號罰穀陞戶

實政錄

卷三 民務

三

一吹手銅鼓俱係軍樂民間嫁娶止許用樂工絲竹鼓板至於里老陰陽皆以文軸賀喜遷居皆以文軸煖房阜快伶優皆以文軸送號士民之家動以金字互送牌扁尤屬輕濫通行禁革違者許諸人奪告以憑重究

一本院向在按察司審決徧覽山西重囚招冊除強盜姦情等犯外只打死人命八百六十三起因酒而打死人命者七百七起是打死者與償命者共傷一千七百二十四命矣其自醉死與墜崖墜馬痰火成疾而死壞事誤事喪德喪家毆妻致禍者又不知幾多也酒之益人

有何效驗酒之爲禍見有指實但有做酒糧食作飯吃酒錢財養家飽煖安然有何不好汾州所屬專做白酒販賣一縣費糧萬餘雖係營生甚爲壞俗除另行禁約外今後民間飲酒務要自有樽節賣酒設席之家不許縱容苦勸但有鬥毆傷人因酒所致者問刑衙門要查何店何家飲酒人命官詞務要干連到死不許以供明及問罪已完摘發釋放

一房屋爲蔽風雨雕刻彩畫爲何閒架自有品級民間豈得亂蓋至於鍍銀鞍轡段絹圍裙捺織座褥金銀器皿

實政錄

卷三 民務

三

俱非士民之家所宜泛用違者許諸人告出陞戶三則一酒席近奉欽依事例蔬穀各不過五色今兩院三司公私酒席只是食果五楪小菜五楪素蔬五碗肉穀五碗剝削果五楪點掇穀五碟湯飯三道立飲攢盒闔席一具其黏果糖卓花枝筍簽一切不用到任公宴只用鼓樂一次以後不用至於小唱戲子絕跡公庭縉紳知禮守法自然節儉老成士民沿習奢靡之俗不遵憲約或用倡優戲子或擺連十連五看席五色絹帛結綵者許諸人稟告陞戶三則仍罰穀備賑

拜名只用單帖卑幼加頓首二字請帖禮帖寫書照古折柬式樣只用一折兩開前後掩面禮多書長者酌量加幅紙以字爲長短不許長餘其封袋惟遠書密書方用副啟惟密事方用有副啟者不得別具書箋本院與三司以下及宗室鄉先生通簡俱照此式不合式者不接

一士民祭賽惟有土穀及先祖之神自有洪武年間欽定祭文諸神俱不宜賽至於祈雨謝雨止是各廟行香雖齋醮已自不當况高搭棚臺盛張錦繡演搬雜劇男女

實政錄

卷三 民務

三

淫狎街市擁擠姦盜乘機失節喪命者往往有之豈惟褻瀆神明耗費財帛而已哉至於修蓋廟寺鑄塑神尊金碧輝煌棟梁巍聳要福不得戒眾實多凡州縣寺廟處所舊壞者改爲公用新整者存爲約所至於元宵盛造燈花烟火尤爲無益以後除鄉社土穀先祖墳塋齋戒虔誠以禮祭賽外其餘一切停止違者收其會錢糴穀備賑會首依律坐罪其元宵斫樹插門者照禁山事例發烟瘴地面充軍

一聘婦之費總計富者不過五十兩貧者不下五兩嫁女

之費總計富者不過百兩如有愛女者分與私財過後
供給貧者荆釵布裙各從其便其無益錦繡裘花刻絲
捺紗被褥枕頂及一切夸眼虛文過飾僭分者盡行裁
革違者許鄉約舉出陞上戶坐重差

一喪禮主哀喪事厚死自衣衾棺槨之外惟有朝夕哭奠
上食而已近日喪家棺罩常費數金紙札常擺一里在
殯既搭檯棚唱戲請客出殯又用綾帛梭帕收頭揭借
錢財專悅耳目又令孝子忘哀作樂自陷十惡之罪今
後遵照家禮棺罩用紙貴者用絹紗不許賃借開賃之

實政錄

卷三 民務

三

家違者重責棺罩焚燒居喪不許用娼優唱戲其葬日
吃酒葬地爲歡此與夷狄何異鄉約嚴行禁革違者以
不孝論

一喪家原無祭禮今習俗既久難以盡裁宜與斟酌祭品
遵照朝廷禮法大祭用食案一張猪羊各一隻祭文一

紙軸焚帛二端值不過六錢稻米四盤不過一斗麥麪四盤不過十斤

果八盤每盤不過三斤酒一尊不過十壺中祭三牲一分食案一張

米麪共四盤果四盤酒一瓶祝文用板小者三牲一具
酒一瓶賻禮至多不過銀五錢中者三二錢少者一錢

五分三分隨便或祭而不賻或賻而不祭亦隨便至於盤花果鬻飛走像生綾羅旛蓋金段銘旌紮塑人物裝演隊戲一切禁約敢有仍前違犯巡捕員役拏獲送官罰穀五十石輪邊取倉收釋放以上十二款鄉約嚴行遵守違犯三起者州縣衛所掌印官定行議處多者參提降斥

惡風十戒

爲特禁惡風以安良善事照得爲惡條款已載鄉約惡行之中但恐有司以爲鄉甲之事不復畱心鄉甲以爲橫暴實政錄

卷三 民務

三

之民不敢犯手是民間陰受其害官府莫知其惡也爲此特將民間患苦之人另摘嚴禁之內有司不時訪拏重治庶於良善得安若曰此鄉約事也官以爲輕鄉約敢以爲重哉官不察奸鄉約敢與人爲讎哉故雖責備鄉約而又申重有司云

一孤兒所遺產業或自己管理或尊長寄收雖有重大緊急事情受寄之人不許分毫典賣但有典賣者卽將犯人十倍重處仍於本犯名下勒限嚴追雖鬻妻變產亦令賠完中人一例重究其奸富恃財知情擅買者除重

究外產給原主價不退還

一寡婦守志果係家道殷實有繼嗣者照律全承本業無繼嗣而有養子者照例量給產業三分之一餘令同門均分無養子而有女者亦量給三分之一以供禮節之用子女俱無者量留土地二項以爲衣食之資仍聽其揀擇莊宅各一處一切差糧俱令分業之人代納地不及一項者盡令寡婦領業差糧自納不許伯叔兄弟人等侵占分毫果守志終身者原產聽其變賣度日親戚往來任其與借不許宗人攔阻違者稟官除本婦聽母實政錄

卷三 民務

三

家陵調改嫁他人者所遺財產聽同產告爭外其餘但有指姦指盜逼嫁逼分強侵強賣者許本婦指實訴官將本犯盡法重究仍枷號遊迎盜賣寡婦田宅者亦同重究業給原主價追入官

一孤子少年承受先業無恥棍徒三五成羣或誘幫嫖銜或駕駛揭銀或陵調告狀將田宅事產蕩然一空此良民之大害城市鄉村但有此等奸民許被害及鄉約保甲人等鄉縛到院以憑盡法重治

一兇暴遊民結黨飲血或假稱欠債或捏騙賭博祭棍操

刀或夜劫財物或書搶平人一人有讎則聚眾同報一人告狀則彼此損幫又結交衙門阜快扶同詐財互相容隱除宗室行各管理府分鈐東罪重者自有國法奏請施行其郡府不能管理者一並參究外其餘棍黨告示一出限五日不卽解散者本院訪拏盡行重治各重性命身家其勿悔

一朝廷自有法律一省多少衙門果負冤屈大則進本小則告狀何氣不出何冤不伸有等愚民受氣不過服毒跳崖自縊自刎屍親視死者爲奇貨或撞屍上門或錘

實政錄

卷三

民務

三

棒劓打或棄毀器物或混檢家財不知自殺人命只該杖罪追棺木銀三兩告狀牽連數月所追不勝盤費將一箇死身子換了別人一頓杖條有何便宜以後自死人命有司衙門休與准理同居父母伯叔兄弟妻子見死不救者仍以重利輕倫不孝不義重責枷號其屍親指倚人命傷人搶財依律以兇徒聚眾定問徒罪充軍愚民大家思想自死有何益哉

一刁民心懷奸偽志在得財家中鑽蠶營生就要搜尋告狀或教唆別人或投充勁證或捏寫無影虛詞或隱匿

年月名姓或以活人作死或刨人墓檢屍或混告二三人或牽連無干婦女或一狀未問一狀又投或上司衙門連遞數紙以致批問紛紛提人亂亂有分毫小事而經年不結者有東審西解往返千餘里者饑寒疾病老弱之人連累常死莊農買賣傭工之家盡悞生活及至事完之日不過笞杖罪名多半全無指實如此奸詐之徒擾亂民生死有餘罪往往反坐通不知懲以後問刑衙門遵照本院在按察司時所發無恥刁民簿一扇除告狀依本院發去新式及所告得實者不分會告幾

實政錄

卷三 民務

三

次原爲辯冤訴屈免其登記外其餘但係半虛者卽登此簿簿登三次及狀一狀十人者卽將本犯扭解本院以憑盡法重治所告多人除緊關證佐外其無干牽告之人所費盤纏卽於本犯名下計一日追銀二分給牽告人收領仍以無恥刁民某人寫大字豎牌一面釘於本告門左申明亭紀惡朔望念堂良民不與爲禮教唆主謀之人依律定擬重罪

造言之人無端捏事見影生風或平起滿街議論或寫貼匿名文書或擅編歌謠劇戲或講說闖門是非除致

出人命者卽與抵命外鄉約人等但有指實者卽便綁縛到官有司盡法重治徧於城市鄉村遊迎仍寫奸詐賊民某人大字豎牌一面釘於本犯門左申明亭紀惡朔望念堂良民不與爲禮

一男婚女嫁本爲長子生孫豈以貪財求富女子出門須要費用女家爭財雖非禮義然大明會典尙有多不過十兩之說索求賠送何處明文近日惡婆貪婿行禮下財一切都從鄙吝過門之後從來定禮節禮衣物旣向新婦找尋嫁妝不厚不多又將新婦作踐女一過門歲

實政錄

卷三

民務

五

月追節日時供饋稍不遂意或不許往來或時常打罵有致令病死者有致令自盡者不思人家養女一場千辛萬苦替我家生子做活又著人家賠錢受氣此是良心滅絕之人廉恥盡喪之物所以江南溺女只緣此事傷心以後女家賠送供給厚薄有無各從所便但有因勒財物致傷人命者公婆枷拶徧鄉村城市遊迎本夫盡法重究仍將女家賠送衣裘首飾節年供給諸物盡數還主雖變賣家產亦不准饒

一勾引人家婦女強占在家因而拐帶財物及外包娼女

內毆妻室蕩費妻物因而致命者盡法重治枷號遊迎
釘牌紀惡至於兄收弟妻弟收兄妻法當兩絞而鄉村
愚人乃以就和名色公然嫁娶甚至父母主婚親朋相
賀大可痛恨自今以始但有舊日不知而犯法者告示
一出卽日離異改正如瞞昧因循者許告到官定問死
罪不恕

一賭博乃敗家之緣由做賊之根本開場者譬如窩主束
手分財賭博者譬如盜賊夥瞞癡幼此徒若不嚴緝重
究地方豈得安寧各州縣衛所官於所屬城市鄉村印
實政錄
卷三 民務
三
貼告示但有拏獲真正賭博者卽於各犯名下追銀十
兩充賞

有司雜禁

居官之道豈不在人一念正則千思萬想自有肺腸一念
邪則萬語千言徒費唇吻緊要事情余旣列爲大款矣至
於有司所爲而民間所苦者事雖鄙瑣政體攸關乃雜列
於後總之不謂賢者而知慎乎此庶幾亦賢者哉

一衙門供事服勞自難缺役但所審均徭阜快青衣不爲
不足而歇班民壯更覺餘閒有司畱意用人旣謹濫差

又察曠惰安所貴多哉乃阜快一名掛搭三四正差領票不行掛搭騙錢分使是多一人多一狼虎也彼白手公門身家妻子賴焉不害小民何以足用愛民者清裁此輩最爲第一

一民間交易儘有好物而當行人役答應衙門另買一等低貨謂之應行商賈之奸固爲可恨然致之者誰邪索高貨給短值遲歲月與低銀甚者全然不與而衙門吏阜附帶以圖賤攬減以虧人又送貨領銀刁難伺候種種傷心故寧賤以與民不貴以與官誠苦之也有司用

實政錄

卷三 民務

三

度買取價值何害親交先定衙中升斗秤尺務與懸式相同如米麪之類一月一糴布帛等物四時總買務須本人親到當堂驗貨當面看銀卽刻給與諸肉果菜先給總銀按日交送支盡再給妻子家僮無乘機之暗騙衙門吏阜無罔上之私圖如此民或者不相外乎不然過不獨在下也

一民間地房價隨時值雖荒年與急事減價與人而不買與強求原價難執爲姑息之仁者憐賣主數告皆與斷給借紙贖之資者開告端遂啟無窮詞訟俗言房地謂

之千年百主原業既告買家則原業亦有原主株連蔓引滿縣騷煩贖銀不可勝用廉者必不爲而爲者必不廉有司戒之

一舉一縣之大事須通一縣之民情至於聽訟審差全憑獨斷左右之人冷言佯語左使柔行彼得貨利而我亂是非所關不細故聽言不可以不審也

一守令民之父母威嚴雖不可無而肅靜不宜太甚弔伐大事也成湯諸侯也歸市者尙不回避豈以爲民父母而以犬豕唐突行人次且爲喜怒哉今聞四官姑不指名余昔分守濟南有四不下之令險途隘巷回避不及有乘坐者婦人不下老人不下童子不下病人不下但令止馬旁立官過始行有喝下者阜隸重責似於威重無損

一各里書手以本里爲衣食之資通同富勢奸頑種種弊端愚騙小民當盡數裁革止選善書筭三五十名報名在官如有坐派檢查掣籤酌用若干人換里編造量給工食完日卽放歸農

一詞訟輕批佐貳其官可知以後除盜賊批巡捕官錢糧

批管糧官外但有一切詞訟俱許親自裁決小者批鄉約和處彼佐貳者豈肯代堂官空手營贖自有贖外之贖也小民不益病乎例禁佐貳不許受詞爲此

一自條編既行之後一切公用自有綱銀有司自委官吏出納支銷與見年里甲分毫無干有等不肖官將綱銀扣畱仍令見年備辦或將實價開呈勾抹十之七八如此操持天必不佑訪知定行提革

一市井鄉村小民難責以君子之行其間小有爭鬥可以不聞乃甲保正及巡視等人或詐財釋放或張大稟官

實政錄

卷三 民務

三

民間深以爲累以後巡視人等除盜賊人命姦細邪教重大事情許不時稟官外其羅織小事騷擾地方者重責枷號

一府州縣官將本院照依洪武舊樣較勘過斛斗秤尺各印烙一副懸掛衙前民間使用俱令赴官印烙每烙一件納穀一斗如有損失破壞者稟官更換其不印烙而私家自造大小輕重者俱究問如律近來有司有將各行斗秤年年印烙以圖科納者而民間所用全不照管秤如京師油十三麪十四之輕小山東棗秤有截半加

倍之重大低昂爲姦貧愚甘受其害此治民者之首務也

一市井喇唬衙門阜快每到娼家騙宿詐財一不遂心令賊攀咬且利於遠解遲結經年包占樂戶誠爲賤類而此冤亦所當知以後各奸敢有仍前縱恣者有司察知從重處究

一蠲免錢糧已徵在官者若無截解明文自當退給花戶但瑣碎含糊小民誰來徧領徒令吏胥侵隱里老騙支耳以後但納糧在先而蠲免在後者掌印官先貼告示

實政錄

卷二 民務

三

徧諭小民今年已納戶人明年照數減免徵派如此更覺簡便至於里排收匿入己者弊在民有隱昧明文而依舊徵收者弊在官廉明者肯如是乎若不體察誰肯納糧

一在庫餘剩錢糧如遇緊急那解申呈合下上司暫許借支限以月日待正項徵完照數還補如係賑濟糴穀等事徑准開銷但不許卽准本項明年減派以滋弊端山東最多此弊一縣將一項糴米還官銀五百餘兩正值馬價緊急請將此銀抵解明年於馬價中少編五百餘

兩前道允詳訖該縣於本年徵完馬價既已侵扣下年馬價又不減編文移批答小民全不與聞惟一二吏書與掌印官知之後別房挾發貪官已去雖問兩吏承成而千金毫不可追矣儻不發覺卷案其誰查後官何由知哉

一收受係官名節近訪得一二有司既加一二收銀又於後堂開櫃已無面目見小民矣乃有收工食錢一百准銀一錢放時以八十五文筭者又錢雜以皮低銀不足色數者有人役未領錢糧而以虛領黏卷者及至守道

實政錄

卷三 民務

三

出巡乃以平等備查盤以減封防掣驗者士民竊笑笑日難欺但念已離地方姑免參提賢者以爲可否

一赤歷止用本縣印信發給收頭甚爲省便山東赤歷解府重印不過多一番打點費半月盤纏耳果有弊端豈府官一一揭張所能查覈哉各府有如此者俱行停止一季支工食不復有二一則貧役預先揭債領出官銀止供債主之息如轎擯夫是已二則貧民頓領許多眼前易於花銷過後依然凍餒若比照軍糧事例每月初放支一次掌印官擇廉幹之吏分封掣驗明白附郭者唱

名面給送者將每分總封印鈐發與領銀人役不許官吏扣除違者坐贓重究如此而諸役得所矣

各州縣官將民馬報籍在官如遇迎送輪撥走差卻將聽雇官銀侵欺入己號稱賢者止給半銀今以道里爲准往來百里者人馬共一錢往來二百里者倍之間候日期人馬共給六分但有無錢空役者許民馬明告官吏提究

一伸冤理枉上下皆有責焉除一切大小詞訟不由本州縣而驀越上訴者依律究管外其本州縣問屈又禁上

實政錄

卷三 民務

三

司告理重加責治苟有人心肯如是乎除別問衙門與初問相同者將誣告之人依律究罪外其聽訟虧人又因辯訴而重加刑責本官賢否不須別問矣

一衙門應用一切紙張已經編入綱銀近有三五不肖指審錄囚冊科索囚犯者以取供紙張索要罪人者甚者通同行戶變價入官余恥聞之如有仍前科索定以不肖劣處

一上司公差倨傲有司求索財貨此十人而十者有司懼其譖毀含忍奉承似損正直之氣以後但有如此者不

必加責卽申原差衙門聽其分處果上官偏聽生嫌是自處於不肖爲左右所驅使也於有司何損

一上司發行文書憑印信以防拆封憑筆跡以防洗改如有作弊實跡所至衙門卽行照查羣小何能肆其詐哉以後文移有司有能發覺奸弊者以精明署考

一市井鄉曲有等年老棍徒指告緩徵停徵災傷蠲免等項科斂錢財赴上司投狀稟縣觀望俱不納糧以後如有應緩應停止許掌印官具申以憑酌處但有仍前赴告者遞解原籍坐贓究罪仍查主使之入一體同坐

實政錄

卷三 民務

三

一民之生死係財用而財用之贏詘係儉奢有司好費喜張豈得愛民節用自然愛貨貪財故觀官之操守此其一驗亦有工容悅好奉承酒席下程備極豐美鋪張供具竭盡紛華財物雖不入己而勞費無不苦民貪富與貪貴其意奚殊府州縣衙所官除自家節儉不嫌於過嗇外其迎送上官止要爽潔雅素飲食堪用不在異味珍羞房屋堪宿何必羅幃錦帳居官但知儉之真味則無往而不可矣

一理直何用請託理曲自有法度今受人央囑勢必顛錯

事理拂逆人情王法無論天理何安且受囑本意不過
憂讒要譽畏人發覺其短耳所在郡邑豈能人人受其
囑卽一人豈能事事受其囑乎得罪一人便足造謗但
違一事亦自失權奈何徇私廢法惟高明之是畏乎讀
大誥憲綱諸書聽囑者可以愧矣余常謂居鄉一事不
囑人居官一事不受囑庶幾乎持正君子矣儻有若人
吾必首薦否則雖有他美而品格已卑何足錄哉

一名節君子之律令本院不望人以獨行而望人以甘節
如果暮夜辭無知之金收糧無火耗之取詞訟無問罪

實政錄

卷三

民務

三

之多里甲無雜支之賠行戶無短欠之價罰粟無折入
之銀解放無剋扣之事商稅無錐末之求治屬無濫受
之禮衙舍無侈靡之供如此可謂廉矣至於日用出入
人事等項卽千金之家歲費不減百金豈以郡邑長吏
能使絕人逃世乎查得綱銀舊有循環各道免其倒換
公費或有贏餘各道免其稽查蓋綜核太嚴徒鬱賢者
之公情實開不肖之別贖待之以恕而彼不自惜則無
辭於執法之吏矣

一止司勘劄牌票無非國事民情古人云庶績咸熙百度

可貞又云百廢興萬目舉皆修政立事之謂也今上司
意念急於星火而下官耳目猶如聾聵號票屢催嚴催
動是經年經月以是人而不謂之才力不及罷輒無爲
吾不信也本院作令時凡係上司有行分登急中緩三
襲摺上每日投文直堂拆封本院逐一細看畢文案有
六房六牌如場屋五經收卷牌式將各房事宜置於六
牌之處喚承行吏書逐房看問某事幾日可完令其自
限如云十日可完余寬云限十五日每事各令自限登
之堂簿余仍記之過限一日打責一板三摺之上急者
未完次中次緩余退堂無事及在輿閒行常查三摺如
果難完量與改限無故過期如數決罰即使強盜推鞠
人命檢屍人卷到齊無五日不具之招常是案無餘贖
吏有餘閒此豈才捷只是心存心存則事理而暇豫自
多心怠則事積而叢脞益甚賢有司自有高才不知日
前庶事填委心下果否懊煩厭一日之勞積百日之憂
智者不爲又不知如此怠荒合於何道也余口欲破矣
而頑顏者猶昨茲固監司之寬紀法之廢所養哉

一官衙吏舍倉庫祀典廟貌壇壝學校橋梁公館凡有損

壞不妨設處興修其動民力必須以時尤禁津貼科斂
曠日耗財至於書院閒亭樓臺廟宇不關民義切戒興
作違者查究

附官問二十三條

一官不修職民不安生掌印官僚屬之表也巡檢有無
刁措行商疎虞囚盜驛丞有無剋扣銀兩虐賣徒夫
巡捕有無下鄉科擾強竊公行管糧有無需索常例
混比貧民清軍有無賣脫正戶屈解無干及一切縱
容手下凌奪小民見今作何倡率

實政錄

卷三 民務

罕

一世教衰頹已久教官不知學校爲何設生儒不知讀
書爲何事豈無敦德尙行之人誰知崇重是以修己
治人之道全不講求朝廷作養人才責成全在提調
見今何以端其無邪之習養其有用之學

一下戶窮鄉豈無俊秀子弟止爲衣食有缺不能供給
束脩以致一字不識一善不聞椎魯兇頑多以惡敗
昔文翁教蜀令狐化夷俱成文物之俗彼獨非守令
乎見今作何訓誨

一鄉約保甲二祖成憲列聖申明不行則化民成俗更

無他道欲行則約正保長藉以害民至於冠祭盡廢不行婚喪任情昧禮小民不知八行爲何物下里不聞六條爲何語鄉約果否便民或於鄉約之外更有教民之法亦要條陳

一火夫編派窮民鄉夫盡是佃戶收頭賠辦酒席街坊斂出家火堡夫負累近村鎗夫催趕傍道驛遞之夫馬舍愁倉廩之斗級稱重庫子之賠累難支行戶之賒欠爲苦見今作何寬恤

一本境盜賊近日曾否嚴挨不敢竊發境外盜賊近日

實政錄

卷三

民務

學

曾否嚴盤不敢潛入窩主窩訪大奸有無緝拏竭絕一民間風俗奢靡邪淫旣不知敦崇節儉惰農游手又不能自理生活豐年尙有凍餒之民再饑寧無死亡之患至於倉穀動申借支收穀又不卽完救荒有術備荒有道見今作何區畫

一錢糧拖欠屢催不完一切嚴則貧困苦於包賠一切寬則豪富任其逋負責成里長有包納侵使之奸督責花戶有奔走伺候之苦又大戶收頭罪有司重收雜派本色起解苦臨倉腳價添搭見在作何收解

衙門吏書舞文壞法或變亂丁糧或洗改圖冊或重輕罪名或要索人犯阜快下鄉或添幫掛搭或拷掠良民或騙詐貨財或凌辱婦女見今作何防閑

一 邪說教門誘結姦黨愚民會首募蓋神祠明造妖言暗操亂柄騙財漁色惑世誣民見今作何禁止

一 兇徒聚眾毆人奸人設計騙財貪夫凌奪孤寡積棍幫唆愚幼刁民明誣善良見今作何懾服

一 本境鰥寡孤獨瞽目跛足不能自存之人共有若干有無依賴見今作何措置使之得所

賞政錄

卷三 民務

聖

一 延緩擣巢莊明報怨兼以朔方兵變勾引強胡重兵壓境去三晉止隔長河款貢之講未成剝牀之災可慮萬一肆行攻劫何以待之夫城池倉庫守令關係匪輕城市閭閻丁壯果否講武四面環攻城上如何作守十日無食城中如何爲生此突忽之憂難料之事見今如何料理

一 文移簿書積案盈箱五督十催全不完報日多一日徒勞紙筆見今作何清楚

一 市井暗騙明瞞鄉村大斗小秤鎮店光棍把持買賣

濫抽稅鈔見今作何禁革

一禁訟則民有抑鬱之情任訟則民有拘繫之苦今無訟萬不敢望儻得聽訟猶人亦可免濫息刁伸冤理枉見今作何禁論

一樹蓄先王美利桑棗昭代嚴行年年造冊奏繳處處都是捏將此事果否虐民如何通不遵守

一流來水戶戲子娼優誘財壞俗與夫師婆妖巫指稱迴避祈禳名色啜騙愚幼婦女見今作何驅逐

一遊食僧道乞丐壯丁流來光棍寄寺宿窰騙財亂俗

實政錄

卷三

民務

聖

甚爲民害與夫本土之民流離他鄉何計招徠還復故里何術安撫

一地糧詭寄何以收歸一人欺隱何以查復原額荒閒之地何以勘實死逃之丁何以除補

一道路橋梁溝渠城垣倉庾監禁養濟醫學社學何以修理興復

一先王躋民壽域聖世特設醫官近日有司全不理會致貧民死於無醫愚民死於庸醫然則醫可廢乎見今如何作養

一衙門人役日賧民膏中間人多於事食浮於人或役
使不均或差用無法見今如何調停

實政錄

卷三 民務

四

實政錄卷三畢

